



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Cenadien. Episcopo.

urn:nbn:de:hbz:466:1-20006

res, postquam fuerint ad alias translati Ecclesias, & in eis præbendas seu alia ecclesiastica beneficia consecuti, occasione attitulationis seu alia causa nihil sibi juris in Ecclesia vestra valeant vindicare, nec provisionem exposcere, nisi habitu religionis assumpto, cum aliis fratribus ibidem assidue servituri. Nulli ergo &c. prohibitionis atque constitutionis &c. Datum Laterani IV. Idus Decembris.

ARELATENSI ARCHIEPISC.

Epist. 464.
Ve Abbatem S. Gervasij ad obedientiam atque officium reducat.
Vide infra epist. 476.

Incumbit nobis ex debito pastoralis officij ut justa postulantibus audientiam cum efficacia præbeamus, maxime ubi eorum vota & pietas adjuvat, & explorati juris veritas non relinquit. Ad audientiam siquidem nostram te significante pervenit quod Abbas sancti Gervasij de Fos excommunicatos & interdictos tuos pariter ad divina & sepulturam admittit, procuraciones debitas, obedientiam, & reverentiam, prout de jure tenetur & debet, exhibere tibi penitus contradicit. Nolentes igitur ut juri tuo per eundem Abbatem super hoc valeat derogari, auctoritate tibi præsentium indulgemus ut in ipsum Abbatem, si in hac * parte duxerit persistendum, nullius contradictionis vel appellationis obstaculo censura possis ecclesiastica coercere. Nulli ergo &c. Datum Laterani Nonis Decembris.

* f. pertinacia

RICARDO ABBATI & Capitulo Compendien.

Epist. 465.
Ipsorum jurisdictionem & potestatem quam super Clericos infra terminos Compendij habitantes usque ad hæc tempora rationabiliter habuistis, & nunc etiam justè & pacificè possidetis, vobis & per vos Compendien. monasterio auctoritate apostolica confirmamus, & præsentis scripti pagina communimus. Statuentes ut nulli &c. Datum Laterani XVIII. Kal. Januarij.

ARELATENSIS ECCLESIAE suffraganeis.

Epist. 466.
Ve Archiepiscopo suo obediant.

Cvm secundum doctrinam evangelicam, quæcunque vultis ut faciant vobis homines, & vos eis eadem facere debeatis, eam reverentiam vos convenit præstare Prælati quam vobis vultis à subditis exhiberi. Sanè cum vene-

rabilis frater noster Arelaten. Archiepiscopus Metropolitanus vester illis studiis & meritis adjuvetur ut commendationibus non indigeat aliorum, fraternitati vestræ duximus auctoritate præsentium injungendum, per apostolica scripta præcipiendo mandantes, quatenus ei tanquam patri & Episcopo animarum vestrarum devotè studeatis & humiliter obedire, ad vocationem ipsius, nisi evidens necessitas contradicat, secundum traditionem canonicam sine difficultate qualibet accedentes. Datum Laterani IV. Idus Decembris.

ARCHIEPISCOPO & Capitulo Arelaten.

Nihil magis esse religioni contrarium credimus vel absurdum, quam si in eadem Ecclesia in professione & ordine & religione ac moribus & vita & habitu servitorum diversitas natriatur. Ne igitur in Ecclesia vestra, in qua regularis ordo noscitur institutus, hujusmodi ultrà confusio se perniciosè valeat immiscere, auctoritate præsentium districtius prohibemus ne in Ecclesia vestra de cetero cujuslibet meriti vel nobilitatis instinctu aliquis in Canonicum vel in Clericum admittatur, vel Præpositum, aut Decanum, aut aliquem officialium penitus eligatur, nisi professione & habitu se regularem ostendat, & secundum beati Augustini regulam in claustrum & Capitulo regulariter converteretur, ne status religionis, qui jam ibi per Dei gratiam confirmatus esse dignoscitur, alicujus mutabilitatis dispendio subvertatur, & resilire paulatim à religionis proposito cujuslibet prætextu malitiæ compellatur. Datum Laterani Nonis Decembris.

Epist. 467.
Ve in Ecclesia Arelat. nullus recipiatur in Canonicum, nisi qui proficisci voluerit ordinem Canonicorum S. Augustini.

Epist. 468.
De infirmis excommunicatis ad cautelam absolvendis, donec revalescant.

CENADIEN. EPISCOPO.

Licet ecclesiasticis institutis, quæ provida deliberatio sanctorum patrum instituit, à nullo debeat obviari, tamen cum justa contingit impedimenta concurrere, quæ institutorum ipsorum ex necessitate processum impediunt, juxta discretionem in medio residentis rigor est ecclesiasticus temperandus. Vnde nos tuæ justæ petitioni faventes, ut valetudinariis, senibus, & infirmis diocesana tibi lege subiectis, qui pro injectione manuum in personas ecclesiasticas in canonem latæ sententiæ incide-

Epist. 468.
De infirmis excommunicatis ad cautelam absolvendis, donec revalescant.

runt, juxta formam Ecclesiæ beneficii absolutionis possis impendere, ita tamen quòd postquam infirmi suæ restituti fuerint sanitati, ad apost. sedem accedant, & alij pro itineris labore sibi dimisso dignum aliquid recompensent, plenam tibi usque ad triennium auctoritate præsentium concedimus facultatem. Datum Laterani XVII. Kalend. Januarij.

E I D E M.

Epist. 469.
Vt Clerici in
majoribus ordi-
nibus constitui,
assumptas
mulieres abji-
siant.

Quidam Clerici tuæ diocesis manifestè dicuntur doctrinæ Apostoli obviare: qui candorem ecclesiasticæ puritatis, quæ sine omni ruga & macula esse debet, & omne quod est irreprehensibile sibi eligit, suis spurciis depravantes, & dantes offensionem in populo, ministerium suum in vituperium damnosa præsumptione convertunt. Quidam etenim ex ipsis in Diaconatus & Subdiaconatus ordine constituti, uxores sibi (si tamen uxores sunt nominandæ) contra instituta canonica, ut dicitur, copularunt: qui postmodum dignitates ecclesiasticas assecuti, curæ student domesticæ potiùs quàm ecclesiasticæ imminere. Volentes igitur id per tuæ fraternitatis industriam emendari, fraternitati tuæ auctoritate præsentium indulgemus quatenus si prædicti Clerici ad commonitionem tuam mulieres ipsas non prorsus ejecerint, & de tanto excessu satisfecerint congruenter, licitum tibi sit ipsos auctoritate nostra ecclesiasticis redditibus, remoto appellationis obstaculo, spoliare. Nulli ergo &c. Datum ut suprâ.

DVNELMEN. EPISCOPO.

Epist. 470.
Confirmatur
institutio præ-
bendarum facta
in Ecclesia sua.

EA quæ ad ampliandum cultum divini nominis in locis Deo dicatis à fratribus nostris & coëpiscopis statuuntur, præsertim cum pietas præbet causam proposito, & ardor intimæ caritatis flagrat exterius, in effectu servare volumus illibata, & munimine confirmationis apostolicæ roborare. Ex caritatis siquidem, sicut credimus, fonte processit, quòd bonæ memoriæ prædecessor tuus, & tu post eum ipsius exempla secutus, in Ecclesia * de Deluton. præbendas & personatus providè statuisti, ut in eo honorabiliùs de cetero Domino serviat, & Ecclesia ipsa in se ministrantibus liberiùs possit & meliùs providere.

* de Danelmo

Nos igitur propositum tuum dignis laudibus in Domino commendantes, institutionem tam personatum quàm præbendam in eadem Ecclesia per te & eundem prædecessorem tuum hæcenus factam, sicut rationabiliter & sine quorumlibet præjudicio facta est & servata, auctoritate apostolica confirmamus, & præsentis scripti pagina communimus. Nulli ergo &c. Datum ut suprâ.

ARCHIEPISC. ARELATENSI.

Cum secundum traditionem canonicam non liceat aliquem in duabus Ecclesiis titulari, sed quilibet debeat in Ecclesia, in qua ordinatus est, perpetuò permanere, ut secundum Apostolum unusquisque maneat in ea vocatione, in qua dignoscitur esse vocatus, grave gerimus & indignum, quòd (sicut accepimus) Præpositus & Canonici Arelatenses, qui professi sunt observantiam regularem, mutationes reddituum cupiunt, & in diversis laborant Ecclesiis præbendari. unde contingit quòd & claustrum ipsum & episcopatus limites sæpius exeunt sine licentia Prælatorum. Cum itaque nolimus ea viris religiosius permittere quæ in Ecclesiis etiam secularibus canonica reprobant instituta, fraternitati tuæ per apostolica scripta mandamus quatenus præfatis Præposito & Canonicis ex parte nostra & tua studeas districtiùs inhibere ne beneficia sibi multiplicari satagant, vel in aliis Ecclesiis se faciant titulari, & ne limites episcopatus vel claustrum sine licentia tua vel illius cui fratrum curam commiseris, exire temeraria facilitate præsumant. Alioquin tu eos ad id, appellatione frustratoria non obstante, per censuram ecclesiasticam compellere non postponas. Datum Laterani IV. Idus Decembris.

ARCHIEPISC. ET CAPITULO
Arelaten.

Cum ex apostolatus officio, quòd licet indigni suscepimus, Ecclesiarum omnium curam & sollicitudinem gerere debeamus, nobis est attentius providendum, ne circa spiritualia vel etiam temporalia ulla detrimenta suscipiant, per illorum incuriam Clericorum qui quæ sua sunt, non quæ Iesu Christi, quærentes, utilitati communi præferunt specialem. Sanè, sicut nostro est apostolatu referatum,

Epist. 471.
De carenda
beneficiorum
pluralitate.

Epist. 472.
Ne Præpositus
abique con-
suetu Capituli
votum recipiat,
vel sine illius
consensu præ-
feratur.